

II - ARABAKO LURRALDE HISTORIKOAREN TOKI ADMINISTRAZIOA

DONEMILIAGAKO UDALA

Behin betiko onestea auzolanen ordenantza

Udalbatzak, 2018ko urriaren 10eko osoko bilkuran, auzolanen ordenantza sortzeko behin-behinekoko erabakia hartu zuen. Jendaurrean egon zen bitartean –2018ko urriaren 22an argitaratu zen ALHAOn, 121. zk.)–, erreklamaziorik aurkeztu ez zenez gero, erabaki hori behin betiko jotzen da, bat etorritoki Araubidearen Oinarriak arautzen dituen apirilaren 2ko 7/1985 Legearen 49 c) artikuluan xedatutakoarekin.

Aipatutako 7/1985 legearen 70.2 artikuluan xedatutakoa betez, osorik argitaratzen da behin betiko erabakia, eta argitaratzen denetik aurrera aplikatuko da.

Erabaki honen aurka administrazioarekiko auzi errekurtsua jarri ahal izango da Gasteizko Administrazioarekiko Auzietarako Epaitegiko administrazioarekiko auzien salan, bi hilabeteko epean, iragarki hau argitaratu eta hurrengo egunetik aurrera, Administrazioarekiko Auzien Jurisdikzioaren Legeak 46. artikuluan xedatutakoarekin bat etorritoki (29/1998 Legea, uztailearen 13koa). Horrek guztiak ez du eragozten bidezkotzat jotzen den beste edozein errekurtsu aurkeztea.

AUZOLANAK ARAUTZEN DITUEN ORDENANTZA

1. artikulua. XEDEA

Ordenantza honen xedea da Donemiliagako auzolanak arautzea eta zehaztea, norberak udalerriko auzoetan eman beharreko zerbitzu gisa ulertuta, Kontzejuei buruzko martxoaren 20ko 11/1995 Foru Arauak 44. artikuluan xedatzen denarekin bat etorritoki.

2. artikulua. DEFINIZIOAK

Ordenantza honen ondorioetarako, honako definizio hauek ezartzen dira:

2.1. Auzoko familia: Pertsona edo pertsona taldea, auzoaren barrutian teiltupe berean bizi dena.

2.2. Egoitzadunak: pertsona edo pertsona taldea, euren artean ahaide izanik edo izan gabe, edozein tituluren bitartez auzoan etxebizitzaren bat daukana, udal erroldan inskribatuta egon ala ez.

2.3. Auzolana: auzoaren barrutian edo udalak jabetzan, edukitzan edo erabiltzeko esleituta daukan ondasunetan auzokoek edo egoitzadunek egin beharreko lana; lan horren xedeak izan behar du erabilera edo zerbitzu publikorako diren ondasunen eraikuntza, konpontze edo mantentze lanak egitea.

Auzolanak honela sailkatzen dira:

2.3.1. Ohiko auzolanak: erabilera edo zerbitzu publikorako erabiltzen diren ondasun eta zerbitzuak zaindu eta instalatzearen, urtean zehar egiten direnak. Borondatezkoak dira, eta helburu dute guztien onerako laguntzea, elkartasuna eta auzo harremanak sustatuz.

Lan hauek egin daitezke auzolanetan:

a) Herriko bide publikoak eta horien osagai guztiak zaindu, konpondu, hobetu eta garbitzea.

- b) Saneamenduak, hustubideak, estoldak, ur sare eta instalazioak, lorategiak, iturriak, putzuak eta garbitokiak konpondu, hobetu eta garbitzea.
- c) Eraikinak eta gune publikoak zaindu, konpondu, hobetu, garbitu eta mantentzea.
- d) Pertsonentzako arriskuak eta/edo perilarak saihesteko jarduerak.
- e) Bideak, landa bideak, baso bideak eta bidezidorrak egin, konpondu eta zaintzea.
- f) Egur sortak markatzea edo baso aprobetxamendurako lanak egitea.
- g) Mendi eta ibaietan garbiketa, sastraka-kentze eta birpopulatze lanak egitea.
- h) Auzorako azpiegitura edo ekipamenduak egitea.
- i) Auzoaren onerako beharrezkoa den beste edozein ekintza.

2.3.2. Auzolan ezohiko edo nahitaezkoak: eguraldi txar, hondamendi, uholde, sute edo aurreikusitako ezin daitekeen beste edozein fenomenoren ondorioz sortzen diren auzolanak, nahitaezkoak, guztien onerako baitira eta premia jardutea eskatzen baitute.

2.3.3. Salbuespen gisa, auzolana nahitaezkoa izango da baso aprobetxamenduaren (luberriak, egurketak...) baten onuradun den auzotarrantzat. Hala balitz, behartuta legoke aprobetxamenduaren gai den ondasunak zuzen edo zeharka eragiten dion auzolanean.

3. artikulua. DEIALDIA

3.1. Udaleko alkate-lehendakariak egingo du auzolanerako deia, eta erabakiko du derrigorezkoa ala borondatezkoa den, eta zer lur eremuri eragiten dion; deialdian bertan zehaztuko du zein lan egingo den, non eta zer ordutan hasiko den eta noiz buka daitekeen, bai eta zein lanabes eraman ere, 1. eranskinean ageri den moduan.

3.2. Auzotar guztiek dute eskubidea, banaka edo talde zein elkarten bidez, borondatezko auzolanak egitea proposatzeko.

3.3. Borondatezko auzolanerako deia ohiko eran eta auzoko iragarki oholean oharra jarriz egingo da, auzolanetara joateko betebeharra dutenak agertu ahal izateko moduko aurretiaz; salbuespena izango dira ezohiko auzolanak, berezko izaeratik ez baitute baldintza hori bete behar.

3.4. Edonola ere, auzolanak garaiz eta arrazoizko epean egin ahal izateko eta betebehardunek lan horiek ahalik eta erosoan egin ahal izateko, udalak egoera bakoitzaren larritasuna, eguraldia eta gainerakoak hartuko ditu kontuan.

4. artikulua. AUZOLANAK NOLA EGIN

4.1. Oro har, ezarritako orduan eta adierazitako lekura joanez hartuko da parte auzolanetan, bakoitzak ekarriz egin beharreko lanerako alde aurretik zehaztu diren tresnak eta makinak.

4.2. Horretarako, auzolanen liburu ofizial bat eramango da, eta bertan jasoko dira aintzat hartu beharreko gorabeherak, 2. eranskineko ereduaren arabera.

4.3. Udalak pertsona bat izendatuko du (zinegotzia, udal langilea) auzolanak antolatu eta egiteko, eta berak banatuko ditu pertsonak eta bitarteko materialak haiek modurik egokienean burutu daitezen.

Auzolana bada obra konplexuago bateko lanen zatiak egitea, auzolana antolatzeko izendatu den pertsonak koordinatuta jardun behar du beti Udalak obra horretarako izendatuta daukan arduradunarekin.

4.4. Auzolanerako unea aukeratzeko, ahalegina egingo da auzoan lan gehien izaten den sasoi izan ez dadin; asteko zein egunetan egin ere ondo aztertu behar da, hala auzotarrak nola egoitzaadunak, denak agertu ahal izan daitezen.

4.5. Udalak auzolanetan parte hartzen dutenak babestuko ditu. Horretarako, auzolanetatik sor daitezkeen istripu arriskuetatik eta bestelako kalteetatik babesteko aseguruua egingo du.

4.6. Auzolanak ez dakar inolaz ere udalaren eta auzolanean parte hartzera behartuta daudenen arteko lan harremanik.

5. artikulua. BEHARTUTA DAUDEN PERTSONAK EZOHICO AUZOLANETAN

5.1 Guztien onari eragiten diotenez eta premiaz jardutea eskatzen duten ezohiko egoerak izanik, 2.3.2 artikuluan definitutako ezohiko auzolanetan ezartzen da gutxienez auzoko familia bakoitzeko kide batek parte hartu beharko duela, bai eta egoitzadun batek edo, hala badagokio, auzoan edo ezartzen den lurralde barrutian etxe bat elkarrekin daukaten egoitzadunen taldeko kide batek, salbuespen hauekin:

a) Familiako, egoitzadunetako edo egoitzadun taldeko kide guztiek 18 urtetik beherakoak edo 65etik gorakoak izatea.

Aurrekoa gorabehera, 65 urtetik gorakoak ere joan daitezke auzolanetara beren borondatez, eta eurak ere istripu eta kalteetatik babestuta egongo dira dagokien aseguruarekin.

b) Auzolana egitekoa den egunean aurreko lerroaldean sartu gabeko kideak gaixo edo ezindurik dituzten familiak.

5.2. Egitekoa den lanaren tamainaren eta hedaduraren arabera, betebeharra duen lagun kopuru jakin bati egin ahal izango zaio deia auzolanerako. Euren trebetasuna eta zenbateraino prest dauden kontuan izanda deituko zaie, besteei ahalik eta eragozpen txikiena eraginez. Dena den, egiten dituzten auzolanak kontuan hartuko dira hurrengoan ezohiko auzolanen deialdi orokorrak egiten direnerako, eta horietara ez joateko aukera izateko.

6. artikulua. NAHITAEZKO AUZOLANETATIK LIBRE GERATZEA

6.1. Nahitaezko auzolanean parte hartzeko betebeharra dutenek horretatik libre geratzea badaukate, honako era hauetakoren batean:

a) Auzotar behartuaren ordeztasun bat badao

b) Lanordu bakoitzeko 10 euro ordainduz; ordainketa egingo da aldezturik likidazioa jakinarazita, behar bezala eta 3. eranskinean zehazten den ereduaren arabera.

c) Huts egitea arrazoitua izanik, beste auzolan batean parte hartuz, egin gabekoaren ordainetan.

6.2. Auzolanera osorik edo partez huts egiten bada hura antolatzeke izendatutako pertsonari bidezko arrazoia adierazi gabe, artikuluko honen 1. idatz zatia b) letra aplikatuko da eta, ondorioz, hor zehazten den zenbatekoa ordaindu beharko da.

7. artikulua. KALTE-ORDAINA AUZOLANEAN PARTE HARTZEAGATIK

Auzolanean parte hartzeko betebeharra dutenek horrek eragiten dizkieten kalteen ordaina jaso ahal izango dute, udalak erabakitzen duenaren arabera.

1. eranskina**AUZOLANERAKO DEIA (1)**

IZAERA: (borondatezko edo nahitaezkoa)

XEDEA:

ERAGINDAKO KALEAK:

EGUNA:

HASIERA ORDUA:

BUKAERA ORDUA:

TOKIA(2):

PARTE HARTZAILEEK ERAMAN BEHARREKO TRESNAK:

(1) Ohikoa edo ezohikoa (dagokiona).

(2) Auzolana hasteko non egon behar den. Sartu irudia

2. eranskina**BANAN-BANAN DEITUTAKO PERTSONAK**

AUZOLANA: (1)

EGUNA HILA URTEA

BERTARATUAK	LANEAN EMANDAKO ORDUAK	ZENBAT LANORDU GERATZEN DIREN	EKARRITAKO LANABESA	ORDAINDUTAKO DIETA	LIBRE GERATZEA	ORDUAK ERREKUPERATZEA
		BERRESKURATU EDO LUDITU BEHARREKOAK		EURO DATA	EURO DATA	ORDUAK EGUN

(1) Auzolanaren xedea.

AUZOLANA: (1)

EGUNA HILA URTEA

BERTARATU EZ DIRENAK	ZENBAT LANORDU GERATZEN DIREN	LIBRE GERATZEA	BERRESKURATZEA
	Berreskuratu edo luditutako beharrekotakoak	Orduak / data	Orduak / Egun

(1) Auzolanaren xedea.

3. eranskina

Jakinarazpen eredu, auzolanetik libre geratzearen likidazioarena

Izena:.....

Helbidea:.....

Jaun/andre agurgarria:

Udaleko auzolanen liburuan dauden datuen arabera, auzoan,
(e) an, (e) ko xedez egin zen auzolanera bertaratu ez zirenen
artean agertzen zara; horregatik, gaia arautzen duen ordenantzaren 6. artikuluan aurreikusitakoaren arabera, euro ordaindu beharko dituzu libre geratzeagatik.

Zenbateko hori ordaintzeko gehienez hilabeteko epea duzu, jakinarazpen hau jaso eta hurrengo egunetik aurrera.

Ez baduzu epe horretan ordaintzen (borondatezko epean, hain zuzen), betearazte aldia hasiko da, eta, orduan, dagozkion errekaruekin ordaindu beharko duzu, Arabako Zergen Foru Arau Orokorrak (6/2005 Foru Arau Orokorra, otsailaren 28ko) 28. artikuluan ezarritakoaren arabera.

Ebazpen honek agortu egiten du administrazio bidea, eta berorren kontra administrazioarekiko auzi errekurtsioa aurkeztu ahal izango da, zuzenean, Gasteizko Administrazioarekiko Auzietarako Epaitegian, bi hilabetean, jakinarazte egunaren biharamunetik hasita, edo, bestela, nahi izanez gero, berraztertze errekurtsioa aurkez dakioke lehendakariari, hilabetean, jakinarazte egunaren biharamunetik hasita; horren esanbidezko nahiz ustezko ebazpenaren kontra, berriz, administrazioarekiko auzi errekurtsioa aurkeztu ahal izango da Gasteizko Administrazioarekiko Auzietarako Epaitegian, bi hilabeteko epean, berraztertze errekurtsio ezesten duen ebazpenaren berri jasotzen den egunaren biharamunetik hasita, edo, sei hilabeteko epean, errekurtsioaren ustezko ezespena gertatzen den egunaren biharamunetik hasita."

Ohar garrantzitsua: jakinarazpen hau egin beharko da jaso dela egiaztatzeko moduko bideren batetik (postaz, gutun ziurtatu bidez eta jaso agiriarekin; eskuan emanda, igortzen den gutunaren fotokopiarekin, zeinetan jasota egon beharko baita interesdunaren sinadura eta jaso duen eguna; etxean ez badago, bertan dagoen beste edozeinek jaso dezake, bere nortasuna jasota uzten badu).

Erdoña, 2018ko abenduaren 7a

Alkatea

DAVID LÓPEZ DE ARBINA RUIZ DE EGUINO